



丙集

劉川
氏歷本

馬二



徐氏海隅集卷之一

吳郡徐學謨叔明著

樂府古辭

明饒歌鼓吹曲十二章

併序

自車攻吉日六月采芑之詩聲施絕響厥後乃有饒歌鼓吹曲以用彰武烈蓋肇自漢代今考之漢曲所傳朱鷺上陵等篇於武烈若無當焉逮魏晉暨唐曲始專敘薄代之勲願昭德弗稱基命微弱未有咸三登五用夏變夷若我明開創之神赫者也卽令登歌周雅尚不能鋪張

聖武之十一矧漢唐之樂曲哉臣嘗待罪祠官得
竊聞太常奏薦樂章獨無鐃歌之名於典爲缺
故輒不自揆退準唐曲之數撰擬十二章於戲
鈴柝之吏匪敢濫于文章職事顧念覆載間蠢
茲蠕喙亦欲景附光華鼓舞陶育乃江漢遠臣
獨無虛糜府廩之感不其陋與用是矢音猥茲
有述若其詞之淺鄙乖隔宮商知不可以鏡來
世也效顰益醜陳詩者察焉

淮之日

元末天下大亂群雄割據 高皇帝起自徒步

倡義濠亳間一時豪傑景從海內生人始有推
戴如日翔空萬寓屏翳爲淮之日第一

淮之日晞以霽跋烏翔光海濤胡運弗延白斯替
大明升中神龍御應天機作氓衛奮軋威掃坤沴
驢牌降虎旅厲定遠歸滁陽隸震雄烈吐英毅飛
將來歸集大計東馳西驟靡曳以掣鳴之張臬之
噬皇旗一麾莽奔蹶梗者摧堅者脆澤爾枯宣爾
滯以仁佐武承上帝紫蓋翻黃雲蔽大江簸揚我
師濟

右淮之日曲三十一句

應王氣

我師渡江攻拔蠻子海牙諸寨遂乘勝俘其兵
船進取金陵丕摩帝圖削平僭亂應王氣第一
應王氣金陵雄踞以虎盤以龍真宰肇啓鴻濛和
師駐窺江東聖作物覩精靈鍾巢湖將來景從水
軍集駕滕艫雨師翼風伯同采石拔徂獷窮海牙
遁南北通出奇兵縱火攻兆先破福壽終舉旗斬
將諸塞空登陴麾旅鎮方中民安堵仰霓虹乘勝
氣策選鋒克馬馱過敵衝下京口歸苗戎全浙旣
弭江右悅匪肆屠剪反側恫我疆我理式廓宏吹

萬愉悅大鈞融

右應王氣曲三十七句

平陳武

陳友諒襲弒其主徐壽輝擁兵僭號東窺建康
上屢出奇計誘敵遂擣其師鏖戰鄱陽六舟相搏
兵盡道窮矢貫逆顛裹屍退舍陳理獻馘江漢
悉平爲平陳武第三

平陳武皇烈揚逆渠弒主軼我疆匪勤師用侮亡
決奇策遣僞降橋石易呼老康賊知陷計走披猖
麾飛舸戰鄱陽屯水寨匝康郎鉦鼓發江洋洋

帝誓師指天狼樓櫓角拒鉤喙張豐隆驅策招搖
光秉葦縱焚掃攬槍六舟相搏遊龍翔忽沒復出
勢莫當鞋山不保道絕糧赤濤噴震流屍殪結營
列柵繞下江關弧一矢殪其王顛仙告順匪譎狂
打破三桶提天綱降陳理下武昌恢大勳先湖襄
右平陳武曲三十三句

閻闔門

張士誠據有浙西始與陳友諒連衡恃其強贗
侵我疆場友諒敗死膺亡齒寒我師併攻合圍
轉關龜城摧堞擊王俘馘平江諸路裒入版圖

爲閻闔門第四

閻闔門毒霧昏孤城閉鼓麇屯漢爲虜絕聲援膺
已盡齒安存帝決策集兵輓敵來拒蹙抗轅犄角
並水陸喧塵尹山浮沙盆架木塔逼檻猿張弩礮
樓堞燔士氣倍鼓噪騫勢不支闔其樊施尺組繫
遊魂 帝不汝誅胡不叩首朝天閻自屠裂辜鴻
恩氓何罪羅煩冤戢大衆宣諭溫海氛淨波不翻
晃蕩闔扶桑曠

右閻闔門曲三十八句

首鼠酋

上之討方國珍也蓋以其嘗舉國內附陰蓄觀望
及徵責叛約乃遣師薄慶元國珍遁入海島復
命廖永忠副湯和會勦降其郡縣國珍始輸款
獻圖籍爲首鼠會第五

首鼠會獻三州天作之君朝諸侯還質子寬逗遛
恢恢帝度與昊侔彈丸區敢包羞擴廓已亡虜友
定詎我仇包茅不貢爾將何求大兵一放莫予懟
讐慶元偏側擁豝豝塞江夷壩扼其喉茫茫島道
將焉投盤嶼轉鬪輜車收胡不自縛昌虔劉鄭伯
牽羊匪自由天威臨赫鬼域愁械降王赴石頭龍

江飲至解繡纒台山爲垣環十洲兵不血刃忠和
謀

右首鼠會曲二十六句

杉關度

胡廷瑞受 上指帥帥度杉關略八閩旣而湯
和由海道取福州水陸竝進元守臣力屈由是
邵建汀漳永興諸郡相繼款附爲杉關度第六
杉關度昭武臨雅州阻鹿永深皇旅振鷺敵欽不
抽矢攻以心收降將置衽襟奉威命息妖稷辰山
武溪滌以霖明州舶來會侵乘颺敘幟一鼓擒瀾

川布谷戈戟森晉安窮壘如沸潛子琦爲虜達里
暗轟霆摧獄力不任軍聲所過開嶠嶽荔枝爛熳
鋪錦林溟洋複嶺來獻琛匪 皇飄武惟德馨八
閩通道興謳吟

右杉關度曲二十六句

清南粵

上旣平八閩乃移師南徃兩廣以廖永忠等徇廣
左楊璟等徇廣右爲犄角之勢已而東莞何真
上印章奉表納款乃傳檄海南海北諸郡而楊
璟等亦克靖江路廖永忠以師來會于是潯容

貴橫南鬱悉平爲清南粵第七

粵之廣矣尉陀舊疆連山隔陰鉅海敵陽負其險
固曰不予侮 帝親誓師爰其整旅皇天降康靡
遐弗撫將軍稽首荷聖神武義旗揚揚航海而度
遣諭何真率先款附保境人民不勞桴鼓三山之
寨徂伏逗遛聿殲其逆望風紹休遵海而南遵海
而北平章來會未州旋克桂林象郡弗梗以格誰
其犄之敢抗斧戈誰其角之不譁以過匏笙銅鼓
犒且歌貢珠輸翠綬以和戍不交害獲嘉多自古
不賓仁者羅

右清南粵曲三十六句

正乾符

自中夏分裂海內鼎沸 上既平吳楚收閩越
蹂宛汴迫甘涼庚申之君尚逋天討乃命大將
軍徐達等移檄會師分布士馬規取河北自中
灤渡河薄淄清駐通州元主勢蹙乘夜北遁遂
克燕都始應日月並行之讖爲正乾符第八

正乾符應帝圖日月並胡運徂蕩群醜矢 睿謨
檄中原極毒痛天厭逆妖孽俱赤氛焰秘宮瘖狐
綏綏法殿趨大將麾列校及驟河北指斗隅中灤

度淄清逾下德州克長蘆奪海舶濟師徒却俺普
戈倒逋薄通州圍燕都君臣愕泣以呱山壓卵虎
搏雛端明議整北驅乘宵遁逃天誅恢仁網緩追
駘九闕啓萬姓呼府庫籍寶玉輸械妃主來獻俘
華夏一告寰區

右正乾符曲四十六句

蜀道易

明昇負其國險抗命不庭 上乃告祀上下神
祇命諸將分道伐蜀湯和等帥舟師由瞿塘趨
重慶傅友德等領步騎由秦隴趨成都首尾來

後日海陽集卷之十一
攻所至克捷明昇銜壁舉國內附爲蜀道易第
九

夔峽控重關劔門倚絕嶂古來一夫守荷戟青天
上明氏負險巖孤懸我師抗聖神周外區早已獲
圖狀汝和汝友德束力猛西向樓櫓狎瞿塘隴洮
繞騎將誰云蜀道難龍旂掃滌蕩乘虛擣堦文進
克不移餉鐵橋詎可憑鏡鑠誰能仗白鹽疊鼓椎
赤甲前旌颺翼夾下漢綿騫騰促巴閬昇艦出飛
嵯鳴橈逆暴漲神丁自天來君臣色悽愴已薄渝
州壘遂失銅鑼障彭母知廢興全城幸亡恙帳下

受銜壁軍中歌挾纊錦城天府國旋麾收甲韞始
知蜀道易真宰屬興王

右蜀道易曲三十六句

平日南

二既統一海寓故元梁王恃遠弗臣殺我信使
上遣傅友德沐英等帥師討罪由是大軍自辰沅
入普定進取曲靖生擒達里麻軍聲大振直趨
雲南梁王自盡尋略澂江臨安暨鶴慶麗江及
車里摩些和泥相率歸附爲平日南第十
惟梁國日南涯亡胡裔遺萌芽戮信使忍逆邪

皇怒赫匪鴛遐弗恭命天誅加將德英向金沙驅
羆虎遶龍蛇奮勇倍張翼斜出鳥撒分爪牙蹂普
定踰曲筭敢讐抗達里麻駢師旅披霧花劃然霽
幟揚葩兇膽落愕不詳神兵迅雷鼓搥刀蒙盾斬
敵騎鐵騎擣中堅瑕俘枕籍紛如麻乘銳氣逼井
蛙昆州破奏膚嘉滇之氓驩道遮夷部落傳檄賒
渠授首矧么麼率款附仰中華蠢動息拱 皇家

右平日南曲五十句

靖虜孽

庚申君旣遁入應昌王保保猶擁殘兵寇圍蘭

州以圖興復 上乃議征沙漠大將軍旣率諸
將由陝西征王保保走之而李文忠等出北平
攻元上都斃其故主獲諸王后妃并玉璽寶冊
械送京師朔庭遂空爲靖虜孽第十一

大黃向空蝕旄頭應昌毳幕血夜流困獸摩牙猶
格刃保保脫走胡雛留蘭州寇攘窺遣孽殺氣騰
播天爲愁大將橫戈出沙漠雄騎梟俊相犄角追
奔奪陣可溫河不花截死瑣納縛天滋神漢濟道
渴躍馬大呼卷輜橐賀蘭襲擊英奮威銜枚夜度
敵不愕折衝挫阨破輶輜火赤盡歸全部落迤北

連年鉦鼓闐懸峰東馬凱歌旋諸邊列障傳烽遠
四塞屯兵節鎮專華夷混一古來少東窮遼海西
酒泉中囊上谷漁陽郡蘭臯靈武接山川 帝心
詎爲傳國壘功垂千祀絕狼烟

右靖虜孽二十六句

奠窮輿

上旣蕩平夷夏湖貴五溪古州銀賴諸峒蠻依岨
稱亂雖屢命專征率尋服尋叛至是遣都督楊
文等併力雕剿俘斬無算蓋大兵九出而椎跣
卉皮之酋長始輸心納款未作外藩爲酋窮輿

第十二

惟皇撫萬國神武揚九區鬼方違殷命獫狁動周
師蠢茲西南醜矯虔天一隅時服復時叛 帝乃
勅剪夷曰楚控大藩授鉞搃戎機汝文暨汝觀群
帥贊王威電發流星驚披箐入潭溪汝成策驍應
衆貞亦縱竒窮裊依岨絕進退計莫施六軍併心
膂峒寨失峻巖積骸已霜暴亡命若雲披始知
廟勝算天應人亦齊匪我恣痛毒奸宄罹刑誅虎
臣奮鷹揚 聖運當龍飛羽書遠響應迴軫耀光
輝東漸更西被赫烈奠窮輿

右奠窮輿曲三十二句

門有車馬客行

門有車馬客解鞍重歎息袖懷咫尺書緘題老親
戚長跪展客緘忍淚苦沾臆問我父爲官貴賤豈
相卹連年困責逋今歲罹海溢法吏重苛誅民間
愁束濕華屋沒蓬蒿健兒作溝瘠寧喂猛虎饒毋
遭屠伯剽不知張官意果爲康杜稷我聞心汨悲
斯理久蕪塞寸心逐南鴻何由奮羽翼

贈郭大將軍鉦吹曲九章

併序

郭大將軍者名成本西蜀人起自步校受知大

司馬英年授鉞屢策奇勲蕩遏夷獠廓清島道
屹然爲東南保障余思古者軍中有鉦吹曲用
紀戰伐以壯戎行間從公掌記得雕剿九事爰
勒九章他日隸之太常庶以備我明愷樂之選
一曰戮九絲酋二曰平鐵寨三曰援舟山四曰
搗白駒塲五曰攻員子山六曰破土樓七曰復
興化八曰嵌頭戰九曰淨三沙

戮九絲酋

九絲酋忍虐劉傷我父敢忘仇指天誓日心鬱恟
懷敵愾枕戈矛領前麾呼後旂滌幽藪震蠻陬阿

則之王身爲囚戮而尸之暴諸幽招忠魂遵首丘
夷家難壯主猷

戮九絲會曲凡二十句其十七句句三字三
句句四字

平鐵寨

平鐵寨駕青驪騎而入賊不疑騎而出賊不知齊
天王者誰阿牙金者誰探龍珠料虎鬚縛者怒質
者嬉飛揚躡捷猛且竒賞却千金橐雄稱百萬師
平鐵寨曲凡十六句其十一句句三字一句
句四字四句句五字

援舟山

舟山壘賊氣揚將軍陷陣白日翳光誰其援者郭
汾陽黃金槩紫絲韁出入重圍氣披猖手提敗將
還戎行淖馬旣蹶吻復張感君意多慨慷向空一
矢殪天狼

援舟山曲凡十八句其十一句句三字七句
句四字

搗白駒塲

搗白駒勢激洩狂寇逸噬鹽城淮南沸 陵寢驚
虎臣來翼且征飛鳴鏑縵胡纓馳鐵騎震戎兵朱

衣旣授首賊氣俱屏營踰河不可遁赴海難爲生
大江迤北肅且平劉與郭擅英聲

搗白駒場曲凡二十句其十五句句三字四
句句五字一句句四字

攻員子山

員子山環賊壘張僞號驚遐邇我軍旣同畏彼崩
施不有先登孰伐其錡先人奪人橫戈衝駛斬其
驍雄砉然如侈麾衆合圍賊徒披靡電擊風馳奔
狼突豕以靖不庭佐 天子理

攻員子山曲凡十八句其四句句三字十四

破土樓

土樓高高十尋峒徑凭之阻且深官軍睥睨戈戟
森鞠旅彌年奈爾穴稽謀秘密不可謀一朝面縛
來獻琛兵不血刃夷層嶽裊鏡之力詎能任吾聞
古之善戰者攻其心

破土樓曲凡十八句其十句句三字七句句

復興化

興化城賊盤殿蹂躪剪屠跳梁跋扈我軍袖手曰

惟予侮乘夜梯城公力如虎天陰月黑從中揮斧
率其小隊酣戰環堵手刃百酋流血漂櫓單騎突
圍自昏及午賊惴開門崩析如雨媿及平海整我
部伍一麾而陳再麾而虜殲厥渠魁桓桓孔武獲
其遊魂以侑歌舞民有寧宇社稷之枯

復興化曲凡二十八句其二句句三字二十
六句句四字

嵌頭戰

嵌頭戰披叢箠羽檄飛戎馬筵魯陽揮其戈曜靈
爲之旋蹠蹙驄僕姑箭六出奇爍如霰轉及渚林

水爲靖伏屍遍野僵顱貯菴虜名王還赤縣歸亡
印三軍抃

嵌頭戰曲凡十八句其十三句句三字二句
句五字三句句四字

淨三沙

三沙東駕艫艫倭來箭激馮夷宮軍書夜至促罷
熊公未朝食關瑯弓飛舩驅豐饒怒濤噴薄掃
陳空列炬薰灼么麼曹山排海倒軍聲雄檻猿釜
魚歸道窮千艘俘馘破竹同從來水戰第一功司
馬奏記表元戎

徐氏海階集卷之一
淨三沙曲凡二十四句其十四句句三字十
句句四字

雜諶四首

紀甲寅倭變也時督府左謀所部軍半殲於賊
邊海諸城多不自保民爲之諶云

周侯誓兮毋奪我士氣七首揚兮週邏於市誰之
髡兮以罹吾刺氓無裹首兮以證汝髻不則殛汝
兮爲奸細

翁侯許兮毋漫屠毋爲賊幟民之蚩蚩生之詎易
汝無誓兮以壯士氣天視視我民視不則覆汝宗

殄汝祀

長鎗來啜我醬罌之盈盈卒莫我刺望采淘去打
帳風蕭蕭水漾漾突而奔戈倒向血淫淫赤濤漲
監也誰周侯相已無兵安用將

擊刁斗看城外毋交汝睫兮執戈以待狐來綏綏
兮隍擊以汰烟汝精毋曠以怠曠且怠兮賊鸞汝
以爲膾擊刁斗看城外

妾薄命

同上萬言書不如主父偃殿上蒙顏色公卿誰不
羨同作荊州牧不如郭喬卿超賜三公服天子稱

仁明仲翁出入從蒼頭東門之侯何爲者義陽赤
手斬樓蘭飛將翻身絡胡馬平生調舌梅君卿五
侯治喪勢莫倫史雲拮拾空賤貧羸得釜魚與甌
塵妾薄命君莫陳

出自郭門行

出自郭門有騎雲屯雖則雲屯繫彼煩冤誰將遐
征繫我思存一解煌煌朱輿不如步趨燁燁黃榆
不如布繻桓桓貴公不如豎儒二解延覽道周邪
蹊敗疇玷缺之遺亦孔之羞春日遲遲昭彼幽囚
三解在掌爲珠在水爲泥胡不令德骨肉䟽離旣

見君子薄言覲而四解何谷不風何水不波人亦

有心相報奈何彼桃之子自縈裊羅五解鬱鬱青

松亭亭如蓋雖有附枝蒙茸何害戒爾勿剪以貽

柯壤六解

採蓮曲

玉臂籠錦鞬蘭橈扶桂舫南風吹浪花搖搖不得
上陌上停金羈凝眸不相放妾非酒家胡君豈并
州蕩急楫會凌波喜得蓮花障蓮枝罌葶蘿蓮葉
颺婆婆中心自有惻舉腕斂青蛾採花獲雙蒂同
伴來相戲宛在水中央地幽情自媚蓮露滴鉛華

認是相思淚盈盈戀錦葩未知歸路賒採名不採
實徒將輕豔誇

相逢俠路間

驅車上崔嵬折坂凌截業
蒼樹連葉交巖曦寶光
洩行幘始迴岐驚轂還相軋
不怨路阻脩所嗟力
微劣寄與道上人無爲漫差迭
息陰可止囂臨寬
自解結何妨待夜行關山有明月

昇仙篇

曰余握玄髓改質流丹液
駐年觀無始在世超凡
格白日生羽翰閭巔列仙籍
森沉碧玉林窈窕黃
金宅綃衣逐電輕芝蓋
凌風逸飄飄衆真朝拱護
萬靈翼大紫不在遠
嶠丘匪我息何事竊桃兒
猶持漢廷戟

銅雀妓

高臺入雲端臨漳凌日影
翠蛾逐燕翻金雀垂鬟
整落日駐清蹕三千迎望
幸霧縠雜蘭聲芝幢逐
巖騁綺席列層霄繁絃促
脩景相盼不相親衆中
徒引領何人當一顧
颯地生炎冷迴鑿應
颯發華燭連星耿同在
繡屏前獨知良夜永

採桑曲

機上斷流黃來尋陌上桑養蠶抽蠶絲爲續斷機
忙出門怯孤悄結伴少同行舉腕已牽縠拂裾復
鳴璫迴身入襲薄暗摘柔條芳無人知妾在採採
已盈筐重枝苦糾結忽見白日光日光垂萬縷春
心却無主春日照春心對此空延佇不歸畏蠶饑
欲去戀芳樹徘徊可奈何東風吹日暮

愛妾換馬篇

新驩那足恃夙愛頓成捐丈夫自有志不在帷薄
邊閨闥故婉變騰驟無雲烟解妾黃金釧市君白
玉韉翻身跨胡騶行當勒燕然寧爲駿骨惜不作

蛾眉憐朱顏易飄擲安得久長年龍膠如可續爲
君懷絕絃

銅雀臺

宛轉周四隅流盼極平野飛燕蹴梁塵歸鴻唳簷
馬羅衣逐秋寬玉筋因風瀉纖纖三五月悵悵顧
影寡飄揚臺上雲棄置臺下瓦弄環不成聲誰憐
寂寞者

野田黃雀行

朝飛上岑隅暮投止叢竹顧羽不成文戀聲淒以
促扶搖匪我塗翡翠匪我族日出照宮城雉野望

哺啄野田何蕤蕤一飽願已足鷲擊與虞羅翩然
與相逐相逐可奈何徘徊從所欲寧備華屋餐不
充惡鳥腹

筮篋引

安州追愴往罹作筮篋引

公無渡河亂流作波公不渡河河奈公何
公無渡河河有行舟公不乘舟奈此亂流
公無渡河河不相假白日在上黃泉在下
公無渡河河流瀰瀰人命有期河流無已

李夫人歌

客安州夜有所夢覺而淒然擬李夫人歌併落

葉寒蟬曲

脩脩去兮何歸翩翩來兮爲誰去不來兮令我心
灰來復去兮益我心悲吁嗟來兮去跚跚遲

落葉寒蟬曲

風厲慄兮吹西日而將傾樹蕭瑟兮抱枯葉而空
鳴沾零露兮如泫爛明月兮前楹嗟彼美兮不見
歲云暮兮長征何衾裯之惆恍兮令蟲網與余而
相縈

徐氏海隅集卷之一

徐氏海隅集卷之二

吳郡徐學謨叔明著

五言古體

遇詩

弱齡弄柔翰逍遙遊藝園
劔歌懷璠璣耻與時俗
論謬承鄉里薦遂爾涉世喧
中夜理韃橐飛步凌
金門金門何崔嵬窮軌愁攀援
兩上不得意攬衣
歸丘樊風波沸以鬱日月飛
且翻閉關厲朽鈍揣
摩凋心魂屯期會昌運揚鑣
遵廣垠際合信有時
以茲興隱淪 聖人秉睿哲
憑几臨前軒流星燦

時髦就日望 至尊敷文匪國華
誤沐休盼恩 五雲麗崇闕
四牡耀平原 微材無捐棄
倦翮終騰騫 改服謝烟蘿
振珮追鷺鴛 蜷茲岩廊上
夔龍今復存 肅肅儼在列
陳力共所敦 於時不感激
恐負平生言 天子收俊乂
惠愛在元元

七夕詩

涼飈應令節 華月照高樓
高樓有思婦 夜夜夢邊州
已悲限河梁 忽復瞻女牛
雙星燦朱牖 靈駕何夷猶
含情雖苦短 嫵婉良悠悠
浮雲起西北 微風動簾鈎
坐乂防晏寢 淒惻生錦綉
欲寄萬里衣 杼且淹番遠
行有時 還軍中問刀頭

癸潤州作

凌晨出江口 江流淨於拭
杪秋生微寒 坐見遠楓赤
山頭露初旭 薄靄散陂澤
楊舸遡中流 悠悠恣所適
波靜島嶼澄 風輕浪花息
去家日已遠 離思日已積
余本山中人 謬通金閨籍
頻年苦馳驅 旅人困行役
婉孌屬歲晏 翻飛媿雲翮
四郊尚烽烟 茲行意更感
高堂阻懽娛 良游怨岑寂
披襟對蓬窓 慘淡吳州夕

有事郊壇暮歸遇大雨作

長夏來空林偶為塵事羈吏牘雖盈几而有烟霞
思四郊鬱繁陰颯颯生涼颼風吹暮雨至羣象紛
離披昊天匪震怒聊以滌塵緇旋驚百谷涌恍疑
萬騎馳振策未能前搔首瞻路偶據鞍冒昏黑側
足凌嶮巖關門候烟火僕隸嗟塗泥距舍未云遠
行道自遲遲歸來相慰藉頓覺忘饑疲履險諒無
悸居安轉思危匿景忽垂曜變態良斯湏適去復
適來茲遊亦已奇

仲夏日同田祠部楊白二主客集郊壇道院
端居積煩憂出門厭塵鞅茲晨遣休暇忽起中林
想折簡呼友生携尊恣還往偶依羽士丘玄宮信
幽敞暫解區中累果諧心所賞榻靜山鳥窺庭虛
夏木長白日銷篆烟青霞映書幌當杯析疑義會
意忽抵掌境悟喧寂齊安遣神氣爽脩然洞元化
何似軒皇上終宴已忘疲清歌激慨慷還真如可
期及爾長偃仰

省中雨集

炎蒸不可掃彌旬淹雨澤沉懷鬱徂暑思欲漱泉
石偶乘香署暇相過文史客曹簡多讌娛官閒寡
形迹捲簾苔色蒼對酒松陰碧酣歌延落景泠然

殊自適

雜詩

羣物皆有營擾擾逐世浮所嗟生有涯千慮復百
憂蒼蠅集叢垢黃鵠摩天游凡俗摠殊調至道貴
冥搜達人秉慧照如逝清冷流貴或耻衽褐儒亦
輕王侯沙蟲與猿鶴變化良悠悠坐駕白日輪飛
度崑崙丘冲襟朗真境靈光下九州

仲夏望日省僚宴集分韻得併字賦十韻

燕州鬱徂暑端居想幽瀨睠茲窈窕宇扶踈夏木
盛賓筵襲蘭馨畢裾朗玉映無煩折簡呼都忘倒
屣迎散吏意俱適佳辰酌頻命雖處朝市喧而有
雲林靜車馬自馳驅颺埃日紛逆何如濯素襟相
將發高詠逍遙聊卜懽沉冥已中聖為謝同心者
幽期稀合併

雨集王叅軍揖用李祠部續嘯字十韻賦贈

塵冥謝省羈清娛赴朋約炎埃薄高旻毒霧昏
暝靜境啓高筵素襟集同調對酒妨暫殮巡簷發
孤嘯涼風逗慢噫走電遶座咲湏臾成灌注沉埋
阻瞻眺漏疑百谷懸淨愛衆山峭頓覺薄寒侵遂
令煩鬱剽婉變忽淹夕遲迴復繼爝主人故好客

後逸擬鮑照倒衣頓上驪迂轍匪俟召良遊戒太
康芳徽願永劭

遊大慧寺作

塵羈埋素襟幽遐發深省物化諒有遷哲人貴所
秉竭來倦風埃休期忻合併矧茲秋氣佳鞅掌獲
暫屏驅車遵郊陌雲天恣引領修途逗藜棘忽入
招提境躡磴慰冥搜捫蘿啓幽逞秋榮麗寒渚朔
吹披霞嶺為從火宅來聊憇空門靜慧性覺方始
迷津誤已求未淨皈依心相睗虛無影肅駕謝珠
林徘徊延夕景

館夜聞陳上之下第感賦四首簡寄

衆生各有役偏側棲人寰豎夫營其腹朝出忻暮
還荷鋤雖云勞歲晚仍懽顏如何七尺軀誤落浮
名間貧賤既厭棄富貴亦憂患念之感故情悽惻
生長歎

其二

長歎珠未已悠悠渺千里與子卧空山所要在終
始中路一相失冉冉垂二紀予已厭塵纓子猶抱
蓬累落羽遞哀音忽逐秋風至四十名未成斯人
竟何俟

其三

日月誠易邁時命多相摧人生無知心富貴將何
為斗祿詎難稱徒然枉明時咄哉西遊客行歸東
海隅明月照前除顧影何參差逝將謝羈束聊以
還初期

其四

初期何當還蹉跎信已久北風吹繁霜四集燕臺
柳今夕復何夕夢此山中友山中幾相知居然同
皓首年年客秦關白壁向誰售飛沉且莫疑陰符
繫之肘

秋日書感

端居覽玄化涼風生高旻四郊漸繁霜百卉淒以
零睠彼庭中荷照水何盈盈凌晨方競秀向夕已
辭榮為逞芳菲節寧甘顛顛併時序信易邁吾生
竟何營人事多代謝感茲良撫膺

雪中與表比部送客慈恩寺歸飲館中止宿
明日復赴毛太學之召比部有作輒和來韻
幽境洽玄陰華鑣翳雱雪將遠睇始廻邀驪興難
輟掃蕙候驂停敞筵淹漏闕不慚供給貧聊卜情
話悅墻醪謝客過山茗遜童熟座深氣轉淒簾逗

徐氏海陽集卷之二
光逾潔良霄信佳晤長醉獲真訣尊傾蟻綠消枕
就燼紅滅曙啓忘宿疲鄰招邁重設未厭浹旬遊
仰欽豪士節且任玉山頽行吸黃河竭歎世薄朝
露遡光迅列缺高歌暢靈襟風急野如裂

贈王叅軍元肅二首有序

叅軍余好也頃奉使役飭駕在門宿雅頓違臨
岐增愴申贈二什用舒鬱紆云爾

榮途困纓組賤夫沉閭闕徒有萬里心遠遊良獨
艱晨門肅車馬飛蓋一何閑初乘春服麗遙遙出
燕關既遂振策意未乖懷祿驪首路遵廣陌芳時
涉長川吳州結雲霧不見秣陵山山川渺離索宴
晤成浩歎薊門歷餘寒苑條未可攀何以贈子行
腰頭雙玉環苑條會依依遠遊何當還

其二

驩極會難久交深情易傷分飛條東西對面成太
行緬子秉貞素奮藻翰墨場幽期共結束爰在山
之陽竭來淹馬曹相見逾五霜坐淹白日馳仰見
浮雲翔眷茲信良覲婉變殊未央值此遠行邁告
余旋舊疆矧承簡書重星言何徬徨東郊多秣馬
賓從日相將苟非心所賞何由結中腸

南紀樓觀水漲用杜韻謾賦 有序

紀嘉靖庚申七月二十三日之變也始水破荊州萬城堤僅一線耳頃之遂傾洞滔天城不浸者一二板耳防守七日夜水乃退時余領郡纔三月傷哉命也乃遺裋黔首作是詩

金風破巫峽南紀紛汨亂堯年山可懷漢世瓠仍
竄秋黍纒冀穫江沫翻罹難雨昏翠谷沉雪捲蒼
崖散郊啼失桑田氓奔會塗炭束藁欲填坑楫石
難防岼哀扒陸漸沉倏爾城將灌瀕洞接瑣尾晦
明混昏旦津人遞相呼使者亦屢按毒龍走雲中

浮鷁翔天半聲騰萬馬驕勢突千軍悍木抄送棲
廬岡頭移候館射弩潮或迴燃犀恠可斷彼蒼棄
赤子平地倒銀漢西決萬城堤東迷一柱觀安得
丁甲雄為討馮夷叛鯨腹飽膨脝蛟涎厭衰悞孱
陵總蕩析夢澤相串貫劇目忍墊危揮襟縱悽惋
不解黔首憂可憐白骨煥敢希神禹功亦乏鄭公
算鬼神或護持風湍稍畏憚孤城藉支撐獨力勉
營幹日月儻垂照猶能慰愁嘆

悼亡詩 有序

哀王安人也安人長別余三年矣兒女會當改

服飯之祠而哭馬擬古悼亡詩一首

我昔塵省郎夜直承明廬衝星時抱牘念子整我
裾我車及晨旋童僕仍晏如入門篝宿火周遑在
前除顧室誰為惟舉案何勤渠顛顛非所惜慰情
良獨怡食貧豈云易有無相拮据宦拙不自悔惠
音戒所虞結髮垂十載所歷厭羈棲轉眄骨肉遠
婉變結屏幃駕言遵東川皓首同旋歸悲風吹急
霰坐令蕙草萎音容一朝變沉憂積天涯及我投
湘日悵望空靈輻五馬詎云貴謂有千石儲新人
詎足驩時乃羨金緋恐懼宿所同安樂轉棄余自
昔人所戚感子意何如莊生不忍擊四序逝若飛
別時兒在襍今已讀父書忽忽值改服衾裳會撤
除臨牲追淑儂拂几歸空虛畫室已違慘況委荒
山隅兒悲何晄晄展拜猶舒徐對床不能涕令我
增鬱紆人生如過鳥一去無還期山川邈異域契
闊永如斯京輦久淹隔所憂在職司骭髀尚如此
茫然誰相於幽靈儻垂矚衰髮今盈梳

荆山道中

出自郢北門挾策龍陂野歲晚天氣陰霜高木葉
下積潦尚浮梁翳蒿半沒馬值茲道路艱况乃徒

旅寡漸近陟荆山虎牙秀堪把夢澤雲自蒸蒙泉
夜還瀉層岑相蔽虧藜薄遞幽雅宛轉度崇岡馳
驅問止舍我行欲何之昏鴉啼啞啞近矚里無煙
薄收歲虛房何以慰黎烝孤悰鬱難寫素無理人
術終媿悠悠者

過鈞州作

名州信廣深遺封表淨樂帝子昔昇真神棲茲永
託僊室亘楚疆天峰麗玄岳靈光倏變現功德布
遐邇玉巖肅陰森金闕紛廻薄翼聖掃攬捨乘時
奮寥廓以茲感衆生相携禮群壑文途集士女攬
涕祈恩澤修因故渺茫證果亦玄漠逐物諒有遷
在化疇能覺庶幻詎足嗤浮榮坐自縛擾擾隨劫
塵何時悟龍夔

界山驛觀月次謝詩韻

夙齡薄遠遊久仕彌嬰患暫爾解郡囂眷鳥驚歲
晏朗月肅孤征纏精亘清爛悄壁遞鳴蜩層岑迷
度雁凌岬遠射旌逗嶺忽窺幔揣絃光未盈覽鏡
影逾半戒軌有前程迂途已乖算藉茲媚寂寥豈
復計遲慢芳輝戀浮客短晷促轉宦散涕楚塞長
薄淹鄖嶺翫投驂謾引觴秉炬嬾操翰夕氣鬱陰

徐氏法隱集 卷之二 十
森商飈紛歷亂靜憐坐永霄明發遲始旦結思瑤
華隔沉吟曙光煥滯軀會當旋傷鬢能無嘆寒砧
雜哀柝激響淒以串

辛酉修觀郡僚飲餞郊亭謾賦

伊余昔行邁寒衣卽郢間餞送豈不勤相對寡別
顏今夕復何夕悲風起前山班馬鳴蕭蕭雙鞬飾
雕欄問我將焉適駕言赴燕關飛鳥逗暝霧翔帆
集沙灣短髮事長征睠茲芳歲闌暫解銅墨綬復
參鵷鷺斑聖人垂宵衣睿哲調宇寰是歲課殿最
軫念在芟鰥榛墟矚踈曠何由拯民艱已虛玉几
佇應負文轅攀攢緒諒匪一般憂來無端離亭敞
歌筵對酒誰為驩同懷挽方駕借問何時還脩途
此延竚坐淹餘景寒徒御促分飛咲拂刀頭鐶

陪祀 玄極寶殿恭述

哲后崇明德精煙格重玄孝以宗祀重禮因穆卜
虔森嚴肅大內竊窈切人天嘉儀啓 宸謨至道
握靈詮曩叨建禮直嘗供香案前清寅在夙夜宥
密儼周旋自從縈簿領江海邈淹延詎茲塵覲技
復得展御筵 皇衷徹膈漠侯服重旬宣吉蠲本
祈歲春籲自逢年因聞祝史奏幸與朝班聯玉階

薦蒼壁寶篆翔紫煙帝鈞傳五夜息渥覃八埏秉
馨同匪懈祈鑒諒靡愆願言羣物阜千秋被舜絃

浦南山中見木香盛開謾賦

迂駕遵蘿蹊蒙茸半蒿目名花自歲徂避人媚幽
谷孤芳衆所疑托根遞相續瑞萼紛呈縞柔枝嫋
繁綠迸石遠頑硤因風襲文轂憶在江南時春風
競紛郁睠茲挺殊質采采不盈掬插髻飾雲粧麗
景共延矚貴賤詎有常胡然在榛麓逸麋恣踐蹂
野鳥相飲啄寂寞固所甘寧辭雜莪菽相知不相
見何由薦芬馥咄哉賤士心龍章混土木

江夏憶顧山人聖之時客黃州用杜韻賦寄
憶君南紀顏不作江潭頓鄂城盛繁華恐非流寓
地去年長春觀崖碑摩巔負東西南北人偶與飄
風至落帽蒼松前君歌我當次龍山眇天末風景
詎殊二西歸遡岳陽殷勤寄錦字滯情驩娛寡流
浪詩法秘有道不避喧無家總遺利不羨武昌魚
日博王侯醉相攀桂樹林時叩蘭奢寺沉寘不知
返胡然遠相棄我從冀北來投驂厭塵轡再上黃
鶴樓仰看白日墜伊人水中央薄雲掩悲泗言念
土木骸誰識龍章器扁舟幾時發雪堂展蘇位振

衣赤嶠岡披虬或愁躋俯茲三界中而有萬里志
逍遙脫窘束汗漫謝退遂更洽主賓酬應感縷縷
意蛟龍甘蠶屈兒女翻成祟長江一匹練雲帆何
迅駛媿我骯髒姿苦作風塵吏繫匏匪性真防械
敢踈恣碎如東海鰲已掣任公餌態軼非我驩蠅
營豈相使羈淹祇自傷艱虞幾嘗試世事多翻覆
物情轉咤異我懷不能吐相知何由致倚欄送飛
鴻行吟還擁鼻

九日慈恩寺和潘文學韻

宛轉松下林岩崑林中閣舉衣覽空茫氛埃淨如
廓山禽逗翠微天花吹碧落朝野多是非曠喧異
今昨斲此對芳藜忽已覩真壑人生在大爐百年
會銷鑠良時不痛飲恐為達者譖落日景自佳浮
雲意轉薄于茲隨隱淪分我滄洲樂

贈楊幼殷同鄉北上兼述感懷作三十六韻

貧交馱闕聞顧盼常不離結託在青雲去住誰相
携吾踪匪匏繫馬能長自羈久要貴知心白日皎
如斯在遠意彌啟矧復榮與衰楊君雲間彥矯翮
翔天逵蟠羅萬卷富吐納三峽奇日淹長者轍能
解經生願維昔登建禮鑣蓋幸追隨蹇余骸髒質

得比海陽集 卷之二
叨倚冰玉姿促讌娛休暇含毫賞文詞披襟結婉
變戢羽美差池偶因聲氣似謬為時俗推周身豈
亡術猝投虞者機 帝鄉一相失分飛悵路岐徘徊
漢郎柱顛顛荆牧麾霄漢杳難問風塵詎可期
天意存合併使星復西馳車馬來翩翩偃仰江之
涓江水何瀾瀾照余頭上絲乍見忽如寐含悲良
自持陸沉非所念軫慮在民瘼公家急征稅計吏
憂歲饑雖承教誼重終慙理道虧以茲竟獲譴小
臣其如飴寧為南冠執繫敢吊湘中纍有道不宜賤
無媒亦可疑朝聞肅征駕問君將何之 新命下

雲陞星言詎遲遲罔牧重塞淵羽儀今在茲是時
陽道昌皇風穆四陲夔龍儼在列推轂諒靡遺賢
者日已顯百僚盡師師一丘誰穩卧拙者其棲卑
所嗟道里遠揮袂成天涯令德苟無負安論雲與
泥

離菴園詩贈王元美兄弟二首

藝草不除穢幽蘭空自持馨臭本殊調貞邪遞榮
衰紉佩欲有贈美人隔江涯江涯匪遐邈畏彼萊
與蕘良時不重構志士多禍罹積毀銷令名遠患
貴早知緬欽於陵節抱甕遵丘哇璠璣朗相映迭

奏墳與篋歲晚挺孤秀燁燁芳華滋胡能雜萑莽
蒿日傷余思靈脩邈難問千古悲湘纍

其二

君莫咏九歌余亦謝四愁帝宮鬱崔嵬精爽徹何
由蘭皋栖放臣瓜畦伏故侯人事多代變吾生良
悠悠山中有叢桂廣川有方舟微衷日蒙翳竄身
其淹留酒酣歌烏烏伯唱仲也酌嘉魚沫方沼璫
枝燦靈疇遽廬詎百年聊復得夷猶干將纏繡纒
三年挂床頭壯心儻未已猶能赴國仇

王學博偕二僚友携酒山園作

初夏日漸永園池始繁陰文鱗隱密藻高羽翻層
岑閑居了幽事車馬忽心見臨華觴啓前除嘉肴列
中林諸君文史彥泊守諧同心蹇余又謝秩慰此
蓬藿音登高望平楚暄風披素襟晝晷方苦短夕
景坐見沉几閣戀孤賞巖阿忻屢尋中情諒彌結
安敢辭盈斟

偶題

焚香香不燃煮茶茶過熟山童蠢無用奈此空飲
喙宴坐良無權何以媚幽獨本圖修靜因物役轉
匍匐未了纓組心更乞雲林福因愛得生嗔禪理

可反覆有礙故難遣且酌尊中綠相邀自在緣清
風遮林馥

小憇水亭見新篁作

種竹五載餘抽條僅如籜培溉知無法頗貽老圃
誚平生任天真懶性故難療蕪穢雖乏刈荒叢亦
遵妙露葉乍捲舒風枝遞繚繞坐來水氣涼西山
逗微照碧澗幽吹沉朱英熙景耀只尺人境中何
當遲同調時聞幽鳥鳴清音激竽簾

張別駕夜集東園作

入夏兵衛弛東溟已云晏焉知籌策長邦人仰垂
奠使君文武才兼有雲壑戀遺茲簿領暇睠彼流
景變余本愛嘉遯何當枉時彥方駕遵遠郊迂旌
啓藂箐是時屬暄候林芳乍隱見水亭夕始佳谿
閣雲初轉繁絃引清觴野蔬代豐膳佳晤匪奄忽
幽情共婉變興往席屢移分投迹彌遣已卜竟日
懽更淹終夕宴寂境會逍遙喧途隔歆羨那惜酒
如泉賓星湛池面

雨中酌龍別駕

晝永日正暄溪暗雨仍集窮巷徹鳴騶綠蘿山逕
入命酌聊為懽摘花喜沾濕高誼自淹番貧家乏

供給掩關寂無譁坐聽巖溜急山居修成秋涼颼
被原隰戀此景色佳延望還佇立

上巳日遊石亭埠

揚舲遡重湖湖流浩瀾瀾去路問樵人遙指墟烟
裏弭楫逗雲塢褰衣窮迤邐始覺松逕通嵌立足
盤徙臨檻吳岫分迴巘鬱蒼紫淙流響碧澗亂石
鳴齒齒幽賞豈夙期衆賓集如螳列籍枕芳潔浮
觴循迅駛曝髮引斜陽濯纓會清泚湍絕泳鱗迴
林喧暮禽起為樂與衆偕能不助燕喜山家煦景
新于時屬上巳寧知被襍塢偶續蘭亭美緬懷晉

永和千載邈難企吾生駒隙間今昔同一視當歡
且勿悲右軍匪達士

徐園訪金伯謙諸友不遇

又知客郊園炎月阻相訪茲晨遘新霽浚風開颯
爽肩輿一乘輿巖扉啓幽敞山中靜無人蘿陰滿
書幌坐餘几閣涼愛此芟蒲長秋事已如斯平疇
鬱嘉穰雖乏晤對驩頗諧素心賞適去復適來聊
當看竹往

沫飛閣聞蟬

遶郭有嘉樹翦然覆園廬樹頭始聞蟬漸覺暑氣

徐氏海陽集卷之二
除曉露淒以泫蟬鳴鬱以紆方此苦炎熱渡當念
蕭疎絨情獨驚候能不傷居諸

述鹿篇

本是郢中來習性故馴擾昔居訟庭中每會循案
遶三年遊宦情于汝獨深了蘇侯贈我行形跼無
驚掉念我蒙羈縲周旋在憂情留犢古所臧戀主
誼非眇感茲同載歸千里涉浩淼仙獸豈厩羣畜
翫殊驟裏所嗟餽飼貧能不悴肌表如何山澤臞
依人狎昏曉求牡自啣啣低騫足窈窕尋蔗蔗高
原飲泉戲深沼歲育功已繁泊棲志難矯未薄豢
養息敢厭藩籬小殷念在郡時藐躬亦羅薦覩物
殊有縈風流還可紹

立秋日苦熱酬張憲副誠之

園條翦以密叢篠翳以舒白日行高天杲杲照我
廬茲晨留流火伏暑會已除柰此轉炎燭擊衣瞰
郊墟四序已不信人情復何如俯檻思清冷循筵
展圖書無為滋煩抱聊以靜自居

端午日東園讌集

經旬掩衡茅蘿逕生苔迹窮晦屢見侵寂守寡驩
懌偶赴東林招怡然命雙屐矧茲屬令節言詠萼

韓什嘉卉對層城雜英繡文石
斲靈慧華裾清歌侑芳席
魚驚濤沫翻露濺荷珠滴
引觴共泛蒲呼盧任歌憤
幽事足娛賓賞心已延夕
殷念吊屈晨追媿浮湘客
解組忻遂初逃虛慰願瘠
山中覽物候四見榴花赤
世慮澹已忘寸心邈今昔

顧憲副自鹿城過訪留信宿別去愴然感舊
勒寄斯什

屏跡在東野地僻忻寡喧
端居念友生安得長晤
言海氣日蒸潤雀羅今在門
長河風雨疾何當枉
高軒淒惻感會面殷勤暢
離魂憶昔塵省署嫵婉

忘朝昏春明歛相失
世事難重論余歸自南郢
政拙甘山樊念子固世器
青雲艷飛翻竭來亦辭秩
扁舟返湘沅今夕復何夕
繁星散高原巖居杜塵
鞅清筵薦芳蓀沄露浥
蘿石明霞爛槿藩愛此松
際月照彼池上尊沿流藉
清漱登臺鬱孤騫乘時
興彌結追往意獨燔
當年盛高會惆悵幾人存
矧際昌明運共解纓組
煩攄懷歡競爽陳誼欽
夙敦子已秉堅白余亦謝
畔援昔作輔與車今媿與
藩川途幸未隔息意同丘園

徐氏海隅集卷之二

徐氏海隅集卷之三

吳郡徐學謨叔明著

五言古體

八月十五夜雨宿豐樂驛憶東園作

江氣日暄薄層霄結玄陰鳴雨淒客耳荒郵轉愁
霖今夕復何夕我思沸以沉睠茲迫湫隘矧復久
滯淫寂寂嬋娟期迢迢隔歲心曠焉阻佳覲何由
暢靈襟清景或有託緬懷嘉樹林言誦萼韡詩寤
吸藁桂馨廣庭列華籍芳醪遲所歆茲遊邈在昔
忡緒故難任大海不可泳洪波瀾以深鹿門詎修

阻氛靈鬱高岑攬衣視履綦幽蟻恐見侵泱濟如
可豁靚展以敷衽窈窕啓離闥儻個眷薄衾物役
詎能謝復此牽華簪

自草店入岳蹇憇遇真宮感舊作

中歲罹疾艱薄榮謝丹軫被命再彈冠草衣靚華
衿名山奠襄服選期間修吟婉戀獲同心招携共
迂紉遵途玄虎岬結轡烏鴉嶙坦坻信逶迤迴巒
遞勾引檜障翳瑤林虹梁列璫楯旋滴瀉琳琅飛
雲秀芝菌凝睇大羅遙頓趾重關窈昔人修道處
虛室田遺準殿東廊有張三半像訪古迹已冥悼往事增悵

所覲匪夙徒流光疾於潤仙家篋委代那復問存
殞十載存故吾殘曦灼星鬢空有遇真名何由扣
玄札

度仙關西下玉虛宮瞻禮恭述

飭徒始登闈循軌俄乘闌院隩扃玄都豐立閉崇
關綿遽依岨連飛軒驟颺捷迂迤復僂躬俯瞰失
嶮峴綠英燦靈疇瑤泌汲芳滌綠臯襲蘭馨繡壁
蔓蘿纈炗火燭化城旌幢閃丹穴干霄矗霞居巨
地麗雲椽入門儼敷衽升墮肅陳藝紫府企玄修
璇題繹洪揚爰從泱濟始川陵未開洩於赫天乙

精驅策幽方驥神武掃攬槍寰區收蕩決得一太
宇澄吹萬群生悅首構啓 睿謨明禋紹徽烈千
秋秩祀虔一德承釐埒五岳卑培塿巨靈表崇傑
鼎負繞龍章高旻仰穹碣

茅阜道中有述晚登五龍宮止宿方丈

振策邁西嶠延瞰華陽池滴水震嶺嶠石梁鬱參
差絙輿歷茅阜梯磴凌嶮巖迂迤騰繡墮蹇步欽
仁威名觀旁肩啓修逕嘉卉蒙歲蕤清陰結道周馳
曜朗隙垂晝晦靈鳥集林端馴獸窺爰覲鴻濛始
頓陟龍宮歸雲衢歷九曲層檻俯四維紫蓋盤松

蘿金鎖攝展旗房櫳隱蒼塢墀殿交清漪五氣數
變梵真源吐華滋直從天河瀉下注神漢竒雙池
閃光恠五井播流漸歛忽作雲雨馮陵潤寰區仙
儵聖水涵山魅霹靂移以茲淨空界探巖復排磻
丹幌森窈窕燕寢何差池中夜燄天籟陰風颯淒
其反側傷營魂起視丰與箕便當駕青羊揮手招
希夷西巖有希夷講經臺長揖授睡法偃卧千日期

青羊橋燕坐觀泉

平泉托紆澗相激成亢磈大易渙至文風行在水
上吾行茲山屢眩徑如象罔不知索玄珠秘彼幽

遐壤五龍注神灑瀟巔恣漭沆傾岬何所歸飲虹
薄崖葭群壑窄且深清聞伏藿奔俄乘磻滴來旋
沸開莽蕩駝石卧續紛蹄股互支攘辟易萬馬奔
當關一夫仗靈儲霹靂馳裂符斂之掌吾當擊節
歌何似濠梁爽迅湍絕遊鱗皎鏡倒圓蒼被曠少
渴津澄沙無濁響偶因囂滓隔遂愜清冷賞沿流
不可窮臨川共偃仰茲境邈遊踪欣余今獨往

方懋南巖颯然雨至比霽出宮遂歷大頂

帝座儼南御森燭萬靈炳雲旗拂招搖攢笏精誠
秉俄然掩赫曦倏爾迷引領坐見列缺馳旋策豐

隆猛睇遠失空蒼凌虛滅倒景泠泠初薄衣淅淅
漸浮程誰次太乙池來沐飛昇嶺昏沉魍魎行飄
瞥蛟龍逞窘步無坦途循崖已眩境未論搜抉奇
恐詒太康警晦書絕行踪冥巖坐深省山靈展予
叩恍惚露毫穎旋曦復迸空迴飈拂沉柄屬嶧萬
峰來嶙峋一柱耿晦明颯沓移慘淡雲雷靜幻界
隨化遷空身逐浮騁覩茲還適然薄焉亦云幸轉
陟林薄開延盼乾坤整還瀆聽潺湲尚知天路永
天柱峰觀日出作

夙齡慕日觀岱宗阻瞻眺引矚閭闔問圓靈詎殊

曜何必朝陽區可扶扶桑竅茲山麗軫垣沿竭眇
蓬嶠竭來淩絕巔天柱肅貞峭息袂枕屨屐馮虛
薄窸窣寤聞天鷄鳴起喚跋烏翹促儉太元庭循
梯玉京燎無端見海底少選發潛耀稀宿奔飛流
明霞結繚繞何人鞭赤丸大地朗華照迸徹玉臺
氛掩映金宮燎旋盪靄霏微網緼啓䟽眇千門迎
艮旭萬影失殘爨直巖排玉筍皇崖聳狐獠翳屏
下界清光分列真觀魯陽不可揮夸父徒為僿人
生苦棲卑豐蔀祗見誚茲晨攬八埏決皆遵衆妙
芒蕩衡巫吞渺瀰江漢噉舒擘扶日輪曾輝願求

邵

下紫霄峰邂逅籙冠道人延至復真觀叙舊

贈言

尚平懷五嶽息意遲昏嫁潘令賦閑居棲迹繫官
舍逐日以避景嬰念徒為喑夫君三十時妻子即
捐謝解脫區中緣跡地方外駕長嘯出趙都薄遊
遍寰夏無書絕山公有句淩小謝晚上羅含居偶
承景昇遊王蔡賦登樓樊遲晚學稼談劒夢澤餘
走馬章臺下世事一朝變園陵長茂柘賓客俱網
羅璠璣益聲價心軫下宮憂義激聊城射西遊訪

名山荷擔止巖罅胡然下天峰相逆紛蘭麝有路
逐阮郎何期逢叔夜携手入烟霞問年幾悲咤吳
州別已遙楚客驚猶乍吾老未遺榮恐遭達生詫
君心與迹并適性寧外假無官亦無家汗漫釋顧
藉羨爾如飛雲乘飈咨休舍忽乎將何適紫府探
元化白鹿放青崕韓衆可同跨

出山柳常侍邀余赴沐浴堂開齋余遂止宿
焉是夜醉中作

余本食肉人言尋茹芝客掉臂訪名山薄遊覽玄
籍服餌斷青精休糧煮白石引鶴澹逍遙驟鸞恣

飛翮謂當從此去搏扶曠雲翮詎信樊籠緣尚阻
槍榆阨大紫匪我廬天風倏飄擲吹我下仙關征
徒宛相迫揮袂赤城居旋轅武陵陌何以枉嘉招
相携入火宅鮮封視履綦霞綺生衣袂方謝瑤池
觴復接高陽席浮庖泛黃流燦几奪白腊豐飶出
天庖絺衣掛蘿壁復作醉鄉逃迴睇仙源隔滯境
匪達觀隨緣良莫逆空同不在遠嶠丘未云窄一
宿在蘧廬生年誰滿百但了出世心吾當隨所適

登滄浪亭作
亭在均江北岸

輕舸信江流雙橈捷於駛篙師戒緩轉相避巉崕

齒亭午發邯鄲鄉俄然見城市甃壁千仞懸飛櫺轟
烟渚結纜薄潭沙樞衽陟崇岬孔轍昔環楚滄浪
歌孺子茲事已千秋陵谷幾遷徙我來訪空山歌
聲何處起吊古意彌敦寧復辨非是隔岸千芙蓉
淨界森對睨日暮樵風生梵音忽盈耳列籍解塵
纓凭欄看秋水悠然澹忘歸呂梁亦如此

襄署戲題苦酒

可憐襄江水釀采苦於磔江泉豈不甘所嗟乏杜
伯初沾令唇茶滿泛轉腸蜡徒番竹葉名無復宜
城碧舉眼山色佳持杯空惜惜閉門風雨晨何由

慰羈客總有高陽池倒載事已寂吳州富橘漿百
錢沽一石動飲傾江河酒徒嗤量窄一行去作吏
人事故錯逆豈獨麴蘖微心往形自格平子賦歸
田陶生希種秫西風吹獨醒垂老猶物役隱几颯
深秋醉鄉久虛擲

九月廿五日雨中發漢江夜宿柴店

徂夏暫屏營凌晨復整伍客意倦西征感此津頭
樹遵途始漢臯荒郊慘難覩露冕薄籠烟風林颯
成雨漸滴猶霏微俄零恣傾侮淖深馬力疲霖結
鳥聲苦循澁陟藂薄臨昏辨村塢偶聞墟中音遂

識河濱戶休鞍候館炊排戟依蕪宇我行亦何事
數徃媿田父理人已無術勞徒祇增懶竟夕軫寒
砧巡檐消戍鼓殷念自有營非關厭環堵

鹿門山與王惟謨少叅劉質卿侍御言別同

謁三高祠用孟浩然韻

三高者漢龐德公唐孟浩然皮日休也

西嶺鬱蒼堯日照羊公峴理舟遵極浦渚清山色
辨行行復向東孤烟樹深淺挾策逗蘿蹊樵風遞
宛轉祇聞木魅啼不見暮禽返隱淪非世情豐碑
蝕蒼蘚空有俎豆容而來羊豕踐未能採藥去終
覺名山遠漢道昔云季高人自屯蹇 明聖方垂

衣詎惜磻溪晚

襄城阻風因乘小舟赴習池餞席

暄風吹麥秋南來阻游沂大舸拂行橈遲迴戀津
樹離程在前浦望望空延竚未貪利涉緣忽與佳
期迂榜人供舡艫闖然颯馳騫朝來江霧開薄勝
渭城雨擊汰揚汀沙輕漚逐浮瓠偶逢漁子歸相
訊烟波路鏡吹不聞喧中流獨成趣久住山水間
無如此竒晤淩瀨復迴灘漸迫羊侯渡攬衣登漢
臯不知白日暮柳暗明霞生杉疎纖月吐昔時畱
醉處今夕德星聚促別已斯須命酌寧辭屢祖帳

對長河悠悠傷去住且同倒載歡披襟酌千古

將至潼口阻風二日戲題

久為鞅掌累入舟希息疲如何南行客不遣北風
吹朝發鹿門道暮望潼口陂相盼咫尺間白日倏
蔽虧霍然滄江立跋浪鬪馮夷舉艤輕如葉旋艫
鎮若箕前途方迷漫欲往未有期且依曲渚宿晨
興復如之遺人不及餉穉子怕苦飢蒼頭識事淺
移怒及篙師強之登陸挽猶似策蹇羸用盡百夫
力撞擊愈不支余乃媯然咲無乃病嗔痴吾將叩
真宰茫茫將何為會當代扳卧媿無惠愛遺將示
行路難紛余既已知了觀生滅理一氣數轉移莫
漫生煩惱且復候斯湏逆兮順所倚吾行固有時
不見去魯國宣聖亦遲遲

行至漢川江臬諸公以書見迎有作

伊余抱孤蹇流浪安楚疆往來荆鄂間忽復逾十
霜竭來得量移遡檝指豫章始謂鄉里近寧知嶺
道長羣公枉書札開緘讀琅琅物情喜矜譽謬云
材見揚素乏屠龍術敢羨躍馬場下居多朽薪暗
投匪夜光丞相斷掃門拙士殉其常未了希世心
末路徒惶惶

徐氏海隅集卷之三

徐氏海隅集卷之四

吳郡徐學謨叔明著

五言古體

夏夜西園集諸文學

解組謝物役袒跣遊中林終年事藝植今始獲其
陰矧茲及夏條紛披鬱以深涼夜邁嘉賞素交忽
見尋列坐遵曲渚展筵面層岑蘭馥襲霞裾荷滋
濡露襟諸品會沉寂道言相酌斟清觴呈泛羽高
閣朗橫參城析不及曙式燕情屢歆媿乏兼珍具
嫵婉故不任無云老猶競奈此開徑心

寄莫雲卿文學 有序

春仲迂棹松江欲訪雲卿於城南精舍已聞其
留滯吳門遂不果往今颯見商秋矣以詩代書
因殷無美却寄

蹇余髮日短來俊方翱翔機雲邈以遐千禩垂精
光雲間盛文彥而子擷其芳昔歲枉我廬清言引
壺觴媿非北海豪願盼增慨慷春馬一揮袂庭草
今幾霜閏月理西櫂春流駛且長城南鬱嘉樹伊
人竟何方茲晨已徂暑原野生鳴蜚未慰風雨夕
言詠蕪葭章薄榮藉素友良邁阻清漳何以展惰
勤馳此縵與緇緘情屬林莽歲晏母相忘

秋日與殷無美往羅溪訪王叔楚疾暮歸作
初日麗以澄炎風吹廣陌扁舟欲東逝言訪黔婁
宅斯人已賤貧何當二豎厄小榻隱誅茆衰毛亂
枝戟柴瘡固難任經時束頽簣顧我稍開顏猶能
問離索淹坐良爲歡可以比藥石日晏主不餐冷
然意俱適會短促分携關門遲歸客

寄張給諫楚城帥進士蘭

掃迹臥雲壑不知山葉黃况與人事隔何由別炎
涼閏月枉書札要我陟岩廊繭足多窘步灰心無

徐以海閣集卷之四
燠腸屏居畏壘間頽然老庚桑已謂日月逝 聖
主方當陽負宸今有人詔書徵俊良泰道占大來
小人安得揚天衢敞以平群公頌明昌當途屬之
子吾道未摧藏荆璞產靈區誰呈追琢章敢誇良
工心燦彼珪與璋成器天下利匪直時來強蹇余
閱歲華秋至意緒長願以桑榆隙眷焉承末光蒼
幹豈殊候求以飽露霜

再赴楚臬黃姑灣夜別所知

曩薄神武冠寤言义林壑寂境歡朋來芳尊互斟
酌爲復感居諸悠然任龍蠖已謂後車榮寧移比

山樂吾道合終焉何當覩 聖作詔書徵在阿不
遑飽藜藿一行涉世氛形神奔迴錯茲晨會解薛
星言指蘄鄂津鉦候曉鳴依依遠江郭所知矜彙
征相將恣飲譁繾綣已忘疲前途迷止泊仰視白
日馳忽見明星灼沾醉已傷魂黯然燭花落居者
日以紆行者日以邈離袂怯斯須躊躇念然諾轉
展欲何言臨岐愴今昨

題周紀善太霞卷

又識太霞生未會太霞指竭來貽書札令我窺無
始本家白馬寨普麻鬱東峙環匯峽口流山水秀

而美白日閉玄扃獠畊雜藂枳林莽相蔽虧蹂躪
來羊豕靈竇故豁訝幽遐何由啓稷也冥搜人剪
荆窮其止須臾鑿混濛恍惚隔凡滓世劫納懸壺
須彌出芥子窈窕百宇開閃爍萬靈詭筵供具阿
羅胚胎列虎兕空嵌珊瑚枝翠滴瓊瑤髓嘗誦洞
仙經白帝錫鴻祉晶晶太霞鄉髣髴無乃是臭腐
有神竒仙靈無遐邇勝事終自知隨緣結驪喜聲
余以嘉名是曰太霞氏一行五斗間翹蹇莽相企
劃然天姥吟精爽或驚起初衣空在篋不歸竟何
俟爲余題臥遊繾綣心神擬庶以謝太霞末路莫
深訾曰某苦迷方何言爲生侈生界皆幻區牽縈
滋吝鄙柴柵吾自嗤藜藿衆所恥所貴持空身道
遙八極裏生其報太霞慮遣形已委金馬可隱焉
漆園亦吏耳湯懸宗生圖且躡王門履

出南浦十里舟夜漫興

七月已流火潛暑焚郊原赤日炙朱輪沸汗如波
翻何當車馬間退遂如觸藩前徒隊仗集後車鏡
吹喧物情競囂燠行塵蔽天昏而我值先驅憑陵
下江門夕幘不遑岍寧衣坐蓬軒殘夜山月吐冷
然思故園相彼澤中雉胡爲繫柵樊不因稻梁縻

隅翮羞遠騫貧賤而肆志在昔有其言徒茲抱冰
炭齷齪誰與論跼蹐復跼蹐邈哉帝王門

阻風彭蠡作

危嶠鬱雲端飛泉散林杪我從樵舍來彌旬混昏
曉祇見赤岼迷庶希白日皎二孤何參差一鷁迎
奔噉縱有長往心何由逐翔鳥凭高一以眺鄉關
限江表蹇途固有通滯翮還自矯行止本無期流
坎此中了

將適郢城三司諸公飲餞余於黃鶴樓作

茲棲匪往覲冉冉驚代移黃鶴戀舊堵飛薨復叅
差余亦縻尺組歷稔欣來斯山川曠疇昔超忽紆
襟期於時及春霽澄景麗以披英僚集時彥芳宴
挹華滋行杯展悃勤振轡枉追隨轉睇多宿因慰
情在新知迢迢漢陽部隔岼紛旌麾雲水入夕陰
遲我以驅馳眷焉蒙惠盼拔賞未云疲班馬方蕭
蕭沉澹臨路岐猥忝旬宣寄空藉歲月私悠悠逐
物役未遑詢惇嫠

訪劉益州值其臥病直造寢廬相勞久之而
出輒成此什

閒門澹春暉車馬斷來迹迂轡出章華獨訪南荆

客數載一相逢逢君臥病夕促榻申晤言聆音異
曩昔幾日停酒杯大塊牢籠窄支枕聊綢繆散纏
滋咤惜老至縮歡悰時移轉錯逆代謝良如斯浮
生徒自螻下士無曠懷達夫有冲適所貴屏營牽
流景倏飄擲藥石多悞人忘憂是良策願保朝露
軀朋遊易離析

潭署夜課煮茶戲作

潭鄉茶甲青湘江春水綠汲水會煮茶休衙媚幽
獨鑄具付饗人非材謬當軸沸或雜臘熬滓將用
巾漉遂令清冷流涇渭紛相逐茲宵幸寡營勾當

彭亨腹令其調火候燒葉緩相續稍伺珠殼浮漸
報旗槍伏就榻消縷烟傾杯近明燭聊以滌膩氛
未敢望馨馥每懷臥壑時淨緣無不足自爲肉食
人終年厭芬郁翻思澄吻喉駕言抗塵俗擁衾聊
自嗤雨聲出踈竹

遊岳麓作有序

甲戌初夏馮賈二使君邀飲岳麓書院遂陟其
巔偶大雨如注倒輿而下衣袂盡濕亦奇遊也
勒茲紀勝率爾成篇

積晦已連旬茲晨欣甦霽良遊枉嘉招遂窮山水

際輕帆漾春波沿流薄江濞數里逗雲松四山披
莽鬱迂澗激流泉當堦散芳蕙逝驅埃壒氛聊與
淨境契跋履不知遐虛空忽如蛻入室諦孔詮院有

孔子

摩崖別禹制

上有大禹治水碑

天末出衡湘烟端迴

睥睨窈窕俯飛翰憑陵決織翳何當恣冥搜恐爲
巨靈盪俄驚霹靂飛果見風雨厲詎免大麓迷幾
作華巔蹶在險忘饑疲臨昏益精銳揮手排混茫
揭蹠却輿衛稍煩抖擻力竟籍扶搖勢輕身下雲
寰旋趾沿霞砌漸覺白石平恍對清尊憇天峰坐
開朗川境縮迢遞玄鑰未竟探名巖有深締喧渡

指津程揚旌逼閨僻坐念光景殊六時閃虧閉浮
迹非所羈逍遙人間世

野渡

注川初灌河積潦幾沒馬無梁詎可濟有車會應
捨言尋舴艋舟一涉靡蕪野宛轉信鳴橈低迴薄
浮擘拂袂白烟柔翔帆未鷺雅乘流浩無端連山
翠堪把偶穿懸網間遂出垂陽下宣尼歎水哉初
祖渡蘆也嗟余凌淼茫問是何爲者陟郢復遊湘
經春欲徂夏

答張復亨

有序

徐氏海隱集 卷之四
山陰張復亨大叅以書來乞斬蛇療病勒詩馳
寄兼呈宿昔之懷其子元冲辛未狀元及第詩
中及之輒成廿二韻

歎蒸鬱江滌焦原斷行塵門有千里書獲余心所
親滄別餘十年悽然沾佩巾伊昔承明會聯翩趨
紫宸振藻際熙運蜚聲薄高旻 三朝歛代謝
萬事俱沉冥君今越在莽偃仰鏡湖濱爲復脫羈
馬逍遙養閒身風淫偶乖迂抱疾及茲晨藥物遲
所須何由展悃懃世路邈東西跋跋走見詢君家
金馬客儼稱歲星臣爲帝乞靈粒歸將壽嚴親詎

藉山澤餌冥搜出荆榛果然諧所需龍角森嶙峋
雙擎露天矯遠遺見情真蹇余老慕仕悠悠逐衆
人未結采真侶徒懷命駕因思君臨高臺日夕歎
逝津久行愁斃足躩獨語傷嘖呻投詩一以報契闊
難具陳故遊寔零落歲月幸自珍

寄懷吳明卿大叅

有序

明卿與余別十九年矣茲自貴竹遷官大梁便
道還家擬會鄂城而余適有安州之役遲之不
至悵然有懷策馬而西輒寄此什

戒檝遵漢廣踟躕落日黃悃悃如有思所思在遠

徐氏海陽集卷之四
方昨日寄書札駕言旋舊疆行子須晝歸燿燦袞
繡裳心旌鬱迢迢擊衣望貴陽驪晤諒在茲平楚
何茫茫而我竟奚適東鶩復西驤日夕激勞歌形
役多徬徨所期咫尺忽復參與商往子失春明
物情奔披猖何父不爲虎何兄不爲狼踟躕孟門
道逡巡魑魅鄉我行雖踳踳旅退故徜徉婉孌魚
鳥音契闊風雨床葱雪固當侯氈毳等爲郎百年
能幾何一別十九霜遘事仍錯迕臨岐紛慨慷所
欣陽道泰吾黨爭奮揚文章謝時譴驂駟得路翔
但希白壁完不然素髮長歲晏朔風至送子之大

梁大梁古中原行近日月光願保金石姿永結蘭
蕙芳周道重蕃宣眷味崧高章意氣各有託夙昔
感中腸

雲日吟 有序

開府趙公冒雨登衡山以雲翳不辨咫尺公曰
雨遊者固不見晴景晴遊者亦何由見斯景哉
蓋解嘲也顧此語類禪爲述其指作雲日吟

日朗始見山雲滃山如失是日能排雲是雲亦障
日同作是山遊陰晴那可必二儀闢玄扃光景故
非一嗔雲非自性貪日意彌窒是心本無相有相

徐氏海隅集卷之四
俱幻質慧日與慈雲原不從相出能作如是觀便
入菩提室

徐氏海隅集卷之四

